



Broj: 04-11-711-4/22  
Goražde, 09.05.2022. godine

Na osnovu Programa utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 - Kapitalni transferi drugim nivoima vlasti (vodne naknade) za 2022. godinu – "Plan i Program utroška sredstava u sektoru vodoprivrede za 2022. godinu", broj: 03-11-695-1/22 od 21.04.2022. godine, koji je donešen Odlukom Vlade Bosansko-podrinjskog kantona Goražde, broj: 03-11-695/22 od 21.04.2022. godine, Ministarstvo za privredu Bosansko-podrinjskog kantona Goražde, **o b j a v l j u j e** :

## JAVNI POZIV

**za podnošenje zahtjeva za korištenje sredstava po Planu i Programu utroška sredstava u sektoru vodoprivrede za 2022. godinu sa ekonomskog koda 615 100 - Kapitalni transferi drugim nivoima vlasti (vodne naknade) za 2022. godinu**

### I Predmet i svrha Javnog poziva

Predmet Javnog poziva je prikupljanje zahtjeva lokalnih zajednica u sastavu Bosansko-podrinjskog kantona Goražde za korištenje sredstava ostvarenih po osnovu prihoda od vodnih naknada, prema Planu i Programu utroška sredstava u sektoru vodoprivrede za 2022. godinu za :

- sufinansiranje projekata izgradnje, rekonstrukcije, održavanja vodnih objekata i uređenja vodotoka ili izrade tehničke dokumentacije (finansiranje) - drugi posebni cilj Programa.

Vrijednost Programa za navedene aktivnosti iznosi **659.887,17 KM.**

Svrha ovog Javnog poziva je da osigura namjenski, planski i transparentan utrošak sredstava, odobrenih u Budžetu Ministarstva za privredu Bosansko-podrinjskog kantona Goražde na ekonomskom kodu 615 100 Kapitalni transferi drugim nivoima vlasti (vodne naknade), u skladu sa članom 57. Zakona o vodama Bosansko-podrinjskog kantona Goražde („ Službene novine Bosansko-podrinjskog kantona Goražde“, broj: 6/10) i Zakonom o izvršenju Budžeta Bosansko-podrinjskog kantona Goražde za 2022. godinu ("Službene novine Bosansko-podrinjskog kantona Goražde“, broj: 12/21), u cilju unaprjeđenja vodoprivredne infrastrukture na području Bosansko-podrinjskog kantona Goražde.

### II Opći i posebni ciljevi Programa

Pored zakonskog osnova, opći i posebni ciljevi Programa su obuhvaćeni Strategijom razvoja Bosansko-podrinjskog kantona Goražde za period 2021. - 2027. godina („Službene novine Bosansko-podrinjskog kantona Goražde“, broj: 4/21), strateški cilj 3: „Osigurati održivo upravljanje okolišem i jačati infrastrukturne kapacitete“.

### III Pravo učešća

Pravo učešća po ovom Javnom pozivu imaju lokalne zajednice u sastavu Bosansko-podrinjskog kantona Goražde a čiji su zahtjevi usklađeni sa općim i posebnim ciljevima Plana i Programa utroška sredstava u sektoru vodoprivrede za 2022. godinu.

### IV Opći uslovi za dostavljanje zahtjeva za korištenje sredstava vodnih naknada

Opći uslovi za učešće aplikantata u ovom Programu su:

- da će odobrena sredstva biti namjenski utrošena,
- da su korisnici sredstava namjenski utrošili i opravdali odobrena sredstva iz prethodne godine ili da je realizacija projekata u toku,
- da korisnici sredstava osiguraju vlastito učešće ili učešće iz drugih izvora finansiranja, minimalno 5 % od ukupne vrijednosti projekta (izvođenje radova) sa kojim se aplicira,

- da korisnici sredstava imaju izrađenu investiciono-tehničku (Glavni projekat), ukoliko apliciraju za izgradnju novih ili rekonstrukciju postojećih objekata, Predmjer i predračun radova, ukoliko apliciraju za sanaciju postojećih objekata ili ovjeren Projektni zadatak, ukoliko apliciraju za izradu tehničke dokumentacije.

## V Kriteriji za raspodjelu sredstava

Za potrebe utvrđivanja visine sredstava koja će biti odobrena po Planu i Programu utroška sredstava u sektoru vodoprivrede za 2022. godinu, tačkama 5.2. i 5.3. navedenog Programa definisani su kriteriji za raspodjelu sredstava i visina sredstava koja se mogu odobriti.

## VI Obavezna dokumentacija

Zahtjevi lokalnih zajednica za korištenje sredstava po ovom Programu moraju sadržavati slijedeću dokumentaciju:

- popunjen aplikacioni obrazac "OPP - Osnovni podaci o projektu",
- potpisanu i ovjerenu izjavu da će odobrena sredstva biti namjenski utrošena,
- potpisanu i ovjerenu izjavu da su korisnici sredstava namjenski utrošili i opravdali odobrena sredstva iz prethodne godine ili da je realizacija projekta u toku,
- potpisanu i ovjerenu izjavu da će korisnici sredstava osigurati vlastito učešće ili učešće iz drugih izvora finansiranja, minimalno 5 % od ukupne vrijednosti projekta (za izvođenje radova) sa kojim se aplicira,
- Investiciono - tehničku dokumentaciju (Glavni projekat), ukoliko apliciraju za izgradnju novih ili rekonstrukciju postojećih objekata, Predmjer i predračun radova, ukoliko apliciraju za sanaciju postojećih objekata ili ovjeren Projektni zadatak, ukoliko apliciraju za izradu tehničke dokumentacije.

Aplikacioni obrazac sa izjavama kao i Plan i Program utroška sredstava u sektoru vodoprivrede za 2022. godinu mogu se preuzeti sa web stranice Vlade Bosansko-podrinjskog kantona Goražde: [www.bpkg.gov.ba](http://www.bpkg.gov.ba).

Aplikacioni obrazac i izjave trebaju biti elektronski popunjeni.

## VII Podnošenje zahtjeva

Zahtjevi za korištenje sredstava sa traženom dokumentacijom se dostavljaju u zatvorenoj koverti na protokol kantona ili poštom na adresu: Ministarstvo za privredu Bosansko-podrinjskog kantona Goražde, ul. M.Tita 5, Goražde, 73000, sa naznakom:

**«PRIJAVA NA JAVNI POZIV ZA KORIŠTENJE SREDSTAVA PO PLANU I PROGRAMU  
UTROŠKA SREDSTAVA U SEKTORU VODOPRIVREDE ZA 2022. GODINU»  
- NE OTVARAJ -**

Rok za dostavljanje zahtjeva za korištenje sredstava po ovom Javnom pozivu je **27.05.2022. godine do 16,00 sati**.

**Nepotpune i neblagovremeno podnesene prijave neće se razmatrati.**

## VIII Ostale odredbe

Sa lokalnim zajednicama čiji se prijedlozi projekata prihvate, Ministarstvo za privredu Bosansko-podrinjskog kantona Goražde će potpisati Ugovor o korištenju i namjenskom utrošku odobrenih sredstava, kojim će biti preciziran način i dinamika putem korištenja odobrenih sredstava te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom telefona broj: 038/228-256 od 08,00 do 16,00 sati.

### DOSTAVLJENO:

1. Web stranica Vlade BPK Goražde,
2. Oglasna ploča BPK Goražde
3. a/a

**MINISTAR**

**Haris Salković**